



Conselh Generau d'Aran

BASES QU'AN DE REGIR ER AUTREJAMENT DES XXXV^{au} PRÈMIS MOSSÈN CONDÒ SAMBEAT QU'AUTREGE ETH CONSELH GENERAU D'ARAN

Prumèra.- Objècte

Er objècte d'aguestes bases ei regular er autrejament des prèmis "Mossèn Condò" que convòque eth Departament de Cultura e Lengua deth Conselh Generau d'Aran.

Es prèmis "Mossèn Condò" compden damb dues categories: Poesia e Narracion, e tres nivèus per categoria.

Dusau.- Principis informadors deth procediment de concession

Eth procediment entara concession des prèmis objècte de regulacion en aguestes bases se regís pes principis de publicitat, transparéncia, liura concurréncia, objectivitat, igualtat e non-discriminacion, eficàcia e eficiéncia

Tresau.- Beneficiaris, requisits entà participar en concors

Poiràn presentar-se tàs prèmis que regulen aguestes bases totes es persones totemp e quan complisquen es requisits que se recuelhen en apartat següent.

Quatau.- Sollicitud

1. Es sollicituds referentes ara categoria de narracion e poesia auràn de complir es següenti requisits:

Categoria Narracion

Nivèu A: Entà estudiants de cincau e siesau de Primària.

Minim 2 huelhes DIN A-4, sonque per ua cara.

Nivèu B: Entà estudiants de prumèr e dusau d'ESO.

Minim 3 huelhes DIN A-4, sonque per ua cara.

Nivèu C: Entà estudiants de tresau e quatau d'ESO e Bachelierat que non agen complit 18 ans.

Minim 6 huelhes DIN A-4, sonque per ua cara.

Categoria Poesia

Nivèu A: Entà estudiants de cincau e siesau de Primària.

Minim 12 vèrsi

Nivèu B: Entà estudiants de prumèr e dusau d'ESO.

Minim 16 vèrsi.

Nivèu C: Entà estudiants de tresau e quatau d'ESO e Bachelierat que non agen complit 18 ans.

Minim 20 vèrsi

2. Presentacion dera òbra:

a) Calerà qu'es òbres que se presenten se signen damb un lèma o subernòm vedible.

b) Es òbres s'auràn de presentar laguens d'ua engolòpa. En exterior d'aguesta engolòpa s'aurà de méter eth lèma o subernòm e era categoria e nivèu a qué correspon. En ua huelha, cau escriuer eth nòm e cognòms, adreça, edat, categoria, nivèu, centre escolar e sustot eth numèro de telefòn des pairs o tutors e, en cas d'estudiants d'ESO e bachelierat eth sòn pròpri numèro de telefòn. Aquesta huelha s'introduirà en ua auta engolòpa mès petita que serà barrada. En exterior d'aguesta dusau engolòpa calerà que i figure un aute còp eth lèma o subernòm e era categoria e nivèu a qué correspon.

c) Non s'acceptaràn es trabalhs a on a simpla vista s'i veigue eth nòm der autor/a.

d) Calerà presentar es trabalhs mecanografiats damb interlinhat 1,5.

e) Ei obligatòri presentar es òbres en supòrt informatic ath delà d'en supòrt papèr. Es trabalhs que se presenten auràn d'èster en interlinhat 1,5 (mesura hònt 12). Eth supòrt informatic des trabalhs serà der entorn windows (preferentment word).



Conselh Generau d'Aran

- f) Sonque s'acceptaràn trabalhs a man se son deth Nivèu A.
- g) Sonque s'acceptarà ua òbra per nivèu, mès se pòden presentar enes desparières categories.
- h) Calerà qu'era òbra sigue inedita. Non s'acceptaràn òbres creades per Intelligècia Artificiala.
- i) Es trabalhs an d'èster redigits en lengua aranesa o en quinsevolh aute dialècte o varianta der occitan.

Cincau.- Dotacion economica des prèmis

Era quantia des prèmis se harà efectiva damb era prelabla retencion legau der Impòst sus era Renda des Persones Fisiques (IRPF) d'acòrd damb era normativa legau vigenta. Aguesti prèmis s'imputaràn ena partida pressupostària-..... deth pressupòst generau vigent deth Conselh Generau d'Aran.

Er impòrt des prèmis per categoria e nivèu serà de:

Categoria Narracion: Nivèu A

Prumèr prèmi...100 € e diplòma
Finalista.....75 € e diplòma
2 accèssits de 50 € damb diplòma.

Categoria Narracion: Nivèu B

Prumèr prèmi...125 € e diplòma
Finalista.....100 € e diplòma
2 accèssits de 75 € damb diplòma.

Categoria Narracion: Nivèu C

Prumèr prèmi...175 € e diplòma
Finalista.....125 € e diplòma
2 accèssits de 100 € damb diplòma.

Categoria Poesia: Nivèu A

Prumèr prèmi...100 € e diplòma
Finalista.....75 € e diplòma
2 accèssits de 50 € damb diplòma.

Categoria Poesia: Nivèu B

Prumèr prèmi...125 € e diplòma
Finalista.....100 € e diplòma
2 accèssits de 75 € damb diplòma.

Categoria Poesia: Nivèu C

Prumèr prèmi...175 € e diplòma
Finalista.....125 € e diplòma
2 accèssits de 100 € damb diplòma.

Siesau.- Tèrme de presentacion

Es trabalhs s'auràn de presentar en Departament de Cultura e Lengua deth Conselh Generau d'Aran abans deth **9 de mai de 2025**.

Setau.- Instruccion e concession

Era composicion deth jurat e eth sòn veredicte se haràn a conéisher en ua Serada d'entrèga de prèmis enes dies propèrs ara Hèsta d'Aran, laguens des actes corresponents ara sua celebracion.



Conselh Generau d'Aran

En cas de qu'ès ganhadors des prèmis non poguen assistir tad aguesta serada de liurament de prèmis, auràn de cercar a quauquarrés (amic o familiar) que pogue representar-les e recuelher eth prèmi.

Eth veredicte deth Jurat ei inapellable. Eth jurat pòt declarar desèrt quinsevolh des prèmis se considèrè qu'ès òbres presentades non son pro meritòries. Eth jurat pòt declarar dus ganhadors ex aequo s'atau ac considèrè. En aguest cas eth prèmi s'aurà de repartir equitativament.

Eth pagament deth prèmi se realizarà mejançant transferéncia bancària ath numero de compte qu'eth/era ganhador/a, o eth sòn tutor o representant legau designe en formulari qu'obligatòriament s'aurà d'aumplir e liurar, validat pera entitat bancària, ara organizacion deth concors.

Uetau.- Drets d'autor

Es òbres presentades demoraràn en propietat deth Conselh Generau 'Aran.

Nauau.- Interpretacion des bases

Er òrgan competent pera concession, a propòsta e criteri deth jurat qualificador, se reserve era facultat de resòler quinsevolh aspecte non previst en aquestes bases o quinsevolh dobte ena sua aplicacion.